

秋雨的诗

1.
霖霖滴滴未休休，不解教侬不白头。却把穷愁比秋雨，犹应秋雨少於愁。
——杨万里《秋雨叹十解》
2.
九月龟城暮，愁人闭草堂。地卑多雨润，天暖少秋霜。纵欲倾新酒，其如忆故乡。不知更漏意，惟向客边长。
——戎昱《成都暮雨秋》
3.
凉冷三秋夜，安闲一老翁。卧迟灯灭后，睡美雨声中。灰宿温瓶火，香添暖被笼。晓晴寒未起，霜叶满阶红。
——白居易《秋雨夜眠》
4.
昼落无声夜有声，只堪醉听不堪醒。檐牙半点能多少？滴入苔阶一寸青。
——杨万里《秋雨叹十解》
5.
阔别时何屡，蹉跎鬓已侵。还朝明主赐，卜夜故人心。凉雨杯初覆，空堂漏欲沉。安知非梦寐，相对帝城阴。
——陈束《都下秋雨夜饮王子长宅》
6.
老子愁来只苦吟，一吟一叹为秋霖。居人只道秋霖苦，不道行人泥更深。
——杨万里《秋雨叹十解》
7.
一城秋雨豆花凉，闲倚平山望。不似年时鉴湖上，锦云香，采莲人语荷花荡。西风雁行，清溪渔唱，吹恨入沧浪。
——张可久《小桃红·一城

秋雨豆花凉》

8.
漫道秋来雨，那无一日晴。只供高枕卧，不放小窗明。书册频开阖，山瓢任浊清。长年谙世味，不是故逃名。——陆游《秋雨》
9.
雨声疏复密，窗影暗还明。赤米香炊饭，青蔬淡鬻羹。闲中长棋格，病後减诗情。惟有桑麻事，邻翁与细评。——陆游《秋雨》
10.
江城秋雨歇，孤坐役吟身。草色荒三迳，虫声满四邻。边鸿来已近，庭叶落还频。对此空搔首，无由面故人。——寇准《秋雨怀友生》
11.
毒热秋未衰，吾庐况浅迫。虽云日一浴，流汗沾衣帻。萧萧三日雨，出此炮烙厄。潇湘应更佳，恨我无六翮。——陆游《秋雨》
12.
雨滴何由止，人眠不复成。云深无雁影，村近有砧声。草草残年梦，寥寥後世名。太山并螳垤，俱向酒中平。——陆游《秋雨》
13.
夜雨洗河汉，诗怀觉有灵。篱声新蟋蟀，草影老蜻蜓。静引闲机发，凉吹远思醒。逍遥向谁说，时注漆园经。——齐己《新秋雨后》
14.
驿灯分暝色，野馆滞秋阴。已倦衰年事，偏驰故国心。夜凉槐雨滴，月暗草虫吟。归梦不知路，千山云更深。——谢榛《秋雨宿权店驿有感》
15.
贫居常寂寞，况复是秋天。黄叶如霜后，清风似水边。中宵疑有雁，当夕暂无蝉。就枕终难寐，残灯灭又然。——顾非熊《早秋雨夕》

16.

吾庐多美荫，最茂楸与梧。百鸟集其间，下上更鸣呼。秋风忽动地，摇落日日疏。何如涧底松，终岁无荣枯？——陆游《秋雨》

17.

不是檐声不眠，只将愁思压衰年。道他滴沥浑无赖，不到侯门舞袖边。——杨万里《秋雨叹十解》

18.

夕阳逢一雨，夜木洗清阴。露气竹窗静，秋光云月深。煎尝灵药味，话及故山心。得意两不寐，微风生玉琴。——马戴《新秋雨霁宿王处士东郊》

19.

夜色际阴霾，灯青谢客斋。梧桐生静思，经纬动秋怀。小酌宁辞醉，清言不厌谐。谁怜何水部，吟苦怨空阶。——梅尧臣《新秋雨夜西斋文会》

20.

湿侵团扇不能轻，冷逼孤灯分外明。蕉叶半黄荷叶碧，两家秋雨一家声。——杨万里《秋雨叹十解》

21.

云满鸟行灭，池凉龙气腥。斜飘看棋簟，疏洒望山亭。细响鸣林叶，圆文破沼萍。秋阴杳无际，平野但冥冥。——温庭筠《秋雨》

22.

秋晚兼旬雨，雨晴当有霜。颇思游近县，亦已戒轻装。珍鲙披绵美，寒醅拨雪香。菊花常岁有，所喜及重阳。——陆游《秋雨》

23.

不堪红叶青苔地，又是凉风暮雨天。莫怪独吟秋思苦，比君校近二毛年。——白居易《秋雨中赠元九》

24.

雨后风凉暑气收，庭梧叶叶报初秋。浮云尽逐黄昏去，楼角新蟾挂玉钩。
。——朱淑真《初秋雨晴》

25.

似雾如尘有却无，须臾密密复疏疏。忽忘九月清霜晓，唤作蒙蒙二月初。
。——杨万里《秋雨叹十解》

本文链接：<https://duanjuziku.com/duanjuzi/qpvynrzptz.html>